

(Speciminis causa)

STATUTUM
ACADEMIAE
SOCIETATIS CATHOLICAE INSTRUCTIVAE
SUB CONCRETI PROTECTIONE
BEATAE VIRGINIS MARIAE
REGINAE APOSTOLORUM

—*—

I.

Finis huius Academiae est, ut viri litteris eruditi Apostolatam fortiter ac viriliter, verbis et scriptis, viribus unitis una cum Societate Catholica Instructiva zelo apostolico exerceant, atque principia catholica doctrinamque S. Ecclesiae contra impetus continuos falso cognominatae gnasseos defendant.

II.

Associari possunt omnes viri catholici, qui litteris eruditi verbis scriptisque fidem catholicam defendere atque veritatem propagare sunt pares, sive clerici, sive laici.

III.

Duo sunt gradus sodalium:

- a) Sodales honorarii, qui honoris causa adnumerantur.
- b) Sodales activi.

IV.

Regimen est penes Praesidem, qui est pro tempore Superior generalis Societatis Catholicae Instructivae et tres consiliarios.

V.

In fine assequendo socii quam maxime possunt scientiam catholicam foveant et augeant, dum scripta librosque cum sublimioris eruditionis tum popularis argumenti edant. Promoveant Societatem praesertim opportunis manuscriptis gratis suppeditandis pro libris, libellis foliisque a Societate in lucem edendis atque se associando ephemeridi - *Nuntius Romanus* - quae est praeco Academiae.

VI.

Sodales mittant unum exemplar eorum operum, quae in lucem edunt ad Directionem Ephemeridis - *Nuntius Romanus* - Romam, ut ea annuntiet recensendaque curet.

VII.

Quoquo anno elapso breviter referuntur acta Academiae.

VIII.

Sodales libros aliave quae in lucem edunt, ab Ordinario, prout est praeceptum ecclesiasticum, approbanda curent.

IX.

Debitam Summo Pontifici venerationem et omnimodam obedientiam in se foveant aliisque sedulo inspirent.

X.

Fraternam inter se caritatem neve verbis, neve scriptis unquam laedant et quamvis opinione sint seiuncti, tamen caritate et vinculo pacis sint uniti, imprimis omnem evitent mordacitatem neve personam, sed tantum vitia et errores persequantur.

XI.

Ut rore benedictionis coelestis ipsorum opera irrigentur, pietatem cum scientia habeant coniunctam.

In specie:

- 1) Quotidie recitant has orationes:

Veni Sancte Spiritus, reple tuorum corda fidelium, et
tui amoris in eis ignem accende.

¶ Emitte Spiritum tuum et creabuntur.

R) Et renovabis faciem terrae.

OREMUS

Deus, qui corda fidelium Sancti Spiritus illustratione
docuisti, da nobis in eodem Spiritu recta sapere, et de eius
semper consolatione gaudere. Per Christum Dominum no-
strum. Amen.

Sancta Maria, Regina Apostolorum ora pro nobis;

2) Saltem per quadrantem meditationi vel lectioni spiri-
tuali vacent;

3) frequenter pro cuiusque statu SS. Sacramenta Poeni-
tentiae et Eucharistiae suscipiant.

